

Ikerasammi atuarfik ingerlalluartoq

Allattoq: Betina Stego, Ikerasak

Atuarfitsialak eqqunneqarmalli atuarfippit allangorluinnarpoq. Atuarfippit mikisunnguovoq qanganitsanillu atuartsinermi ator-tussanik peqarluni, atortorisaa-ru-tiluttuulluni periarfissallu annikit-suinnaallutik. Aningaasaliissutit ikiittuinnaapput ukiullu tamaasa aningaasaliissutit atorluarniarlugit iliuuseqarfingeqartussanik toq-qaasariaqartarpugut. Taamaakka-luartoq ataqatigiilluarnitsigut, nu-taaliorusussuseqartumik pisorta-qarnitsigut, kajumissuseqarnitsigut suleqatigiilluarnitsigullu ilikkagas-satut anguniakkanut malinnaasin-naalerpugut taamalu sulinerput nuannernerusungortillugu, atu-rtut sulerusussuseqarput aamma Atuarfitsialak ingerlanneqarlualer-poq.

Taamatut ingerlallualernissar-put anguniarlugu ukiut sisamat suliniuteqarpugut. Atuartut nu-annaartuupput, sulilluartaqalutik sulerusussuseqarlualertullu - ta-amaatorli taamatut ingerlatsilernis-sarput anguniarlugu ilungersorta-qaagut. Ukiut tamaasa, qaangerni-agassarput apeqqutaatillugu, ata-atsimut anguniagassamik toqqaasar-pugut - taamaalillutik suleriaasis-saq, ataatsimoorullugit malittari-sassat anguniagassallu pilersinne-qarput. Atuartut sulerusussuseqar-nissaat piumasaraarput, taamaalil-luta tiimini atuartsisinnaalernias-sagatta, aallaqqaammullu tamanna pingaartinneqarpallaanngilaq. Atuartut nammineerlutik tiimini malittarisassat suliaaraat, kisianni taakkua malitsinniarneqaleraanga-ta - aamma ukiup atuarfusup qaammatai siullit marluk ingerla-reersut, annuataartoqartaqaaq

aamma akerliuniartut iliuuseqarfi-giniarlugit oqallittarluta. Malittari-sassat malinneqalernerat atuartunit nuannaarutigineqarpoq - tassami eqqissillutik sulisinnaalerpugut at-aqataallu atuarnerp nalaani tor-suusamat anillattaqattaarunnaarput aamma tamarmik piareersarsimal-lutik ilinniagassatillu suliarisimal-lugit atuariatortalerput utaqqu-saarnissarlu pisariaarulluni. Ma-makujuit sukkullu atuarfimi inerteqqutaalerput, taarsiullugu atuartut taqartarput peqqinnartu-nillu kioskimi tuniniaasoqartar-poq. Tamatuma anguniarnera si-visuvoq, tassami angajoqqaat atu-artut kaagunik sodavandinillu atu-arfimmut nassartittarpaat, kisianni atuartut sukkutorpallaarsimallutik nilliasut iluamillu malinnaasin-naangitsut tiimillu ikiittuinnaat qaangiuttullu nukissaaruttartut qatsukkatsigik, sukkut siulliullugit atuarfimi inerteqqutigilerpavut. Tulliullugu anitsiarfimi siullermi atuartut tamaasa anisittalerpavut, taamaalilluni atuartut tamarmik ullup ingerlanerani silaannarissar-tarniassammata. Maanna atuartuu-tivut allangorluinnarput atuartin-neqarnissaminnullu piareersima-nerulerlutik.

Atuartut ataasiakkaarlugit ukiumut marloriarlugit anguniagassanik su-liaqartittarpavut. Anguniakkallu anguneqarsimanersut ukiup affaa qaangiukkaangat nalilersoqqis-saartarlugit. Anguniakkat takune-qarsinnaasungorlugit inissippa-vut, atuartsinissatsinnullu tiimer-passuit piareersartarpugut, atuartut pisinnaasaat naapertorlugit unam-illigassaqartuarnissaa anguniar-lugu. Aallaqqaammut ajornaku-sooraluaqaaq, tassami atuartut

ikippallaarneri pissutigalugu klas-sit ataatsimoorinneqartarmata pi-sinnaasaallu assigiinngitsorujus-suummata. Atuartut ilaat ukiumin-nut naleqqiullugu pisinnaasaqar-nerusarput - ilaalli ima pisinnaasa-kitsigisarlutik klassiminniit appa-sinnerungaatsiartumiittariaqaralu-arlutik. Tamatuma saniatigut an-ngaasat atuartsinermt atugassat naammangilluinnartarput. Sulli-vilersorluni atuartsineq aamma atuartut immikkoortillugit atuarti-sineq ukiuni siullermi iluaquta-qaq, taamaalillunimi atuartut anguniakkatik angusinnaasarmati-gik, taamaatorli aamma fagini ta-mani anguniakkanik sammisaqar-talerneq iluaqutaqaaq. Matumani atuartut eqimattakkaarlutik, atua-qatitik assigiimmik anguniagalit peqatigalugit, atuartsinermik ingerlatsinerit, atuartut ataasiak-kaat pisinnaasaannut naleqqussak-kat ingerlattarpaat. Taamaaliornik-kut atuartut ikiittuinnaat anguniak-katik angunngitsoorarpaat - Atuarfitsialammi ilikkagassatut angu-niakkat angunissaat ajornakusoor-neruvoq, taakkumi atuartut pisin-naasaaniit qaffasinnerujussuurtut isigaavut. Klassit ataatsimoorin-neqarneranni atuartut pisinnaa-saasa nikinganerujussuat ajornar-torsiutaavoq, sanngiinnerillu im-mikkut isiginiarnissaat ajornaku-soortaqaq. Tamannami atuartunut fagitigut pikkorissunut angusaqar-luarsinnaasunullu pitsaasuunngi-laq. Taakku aallunnerujumallugit siorna atuartut klassii eqqarsaati-givallaarnagit, assigiikannersunik pisinnaasallit piffissap ilaani hol-dikkaarlugit atuartittalerpavut. Tamatumuunattaq meeqqat assi-giimmik ilinniariaasillit assigii-kannersumillu pisinnaasallit atuar-

tinnissaannut pitsaanerumik piareersarsinnaalerpugut. Tamanna siuariaataasorujussuuvog ukiormannalu iluatsilluartumik klassit allanngortiterpavut, matumani atuartut pisinnaasaat najoqqutalugit, pitsaanerumillu ilinniarnissaat aallaavigalugit klassit katiterneqarmata. Alloriarfinni misilitsissutissat ilaanni anguniakkat ukiuni qanittuni angunavianngilavut, taamaattorli ukiup ataatsip ingerlanerani 6.-7. klassimi matematikkimi tabellit, amerlisuaneq, kisitsisit angisuut atorlugit agguaneq, avitat, procentit, kisitsisit kommallit, annerussuseq/kaajallannerit koordinatsystemillu ilikkartikkatsigik, assersuutigalugu tuluit oqaasiini anguniagassarput suli ungasikkaluartoq ajorngilarput.

Taamatut suleriaaseqarneq ilinniartitsisut piareersarluaarnissaannik piimasaqaateqarpoq, taamaaliomikkummi atuartitsinernik aalajangersimasunik ingerlatsinissaq periarfissinneqarmat, alloriarfinni misilitsissutissat anguniarlugit sulisoqarsinnaalluni atuartiseriaatsinillu allanik, soorlu storyline-mik ingerlatsisoqarsinnaalluni il.il. Taamaattorli ilungersorluni sulineq akilerneqartarpoq atuartut piimassuseqarlutik ilikkagaqarusussuseqarlutillu ullaat tamaasa atuariatortut takusaleraanni, aamma nalunngilaat suliasaminnik naammassinniaartunut immikut suliasanik piareersimasoqartuaannartoq, taamaalillutik suliasaadeqinertik pissutigalugu nipitusaalinniginniassammata.

Angajoqqaanik suleqateqarneq iluatsikkiartorpoq. Angajoqqaanik ataatsimiititsinerit qasunartut, angajoqqaat meeqqamik ukiup ingerlanerani sulinerinik tusarnaariartorfisartagaat qimallugit, oqallitsitsinernik, atuartut saqummiussinerinik sulianillu takutitsinernik aqqisuisalerpugut maannalu angajoqqaat meeqqamik atuarnernikk soqutiginninnerulerput - tamannalu atuartunut tuniluuppoq. Atuar-



Atuartut nuannaartuupput, sulilluartaqalutik sulerusussuseqarlualutillu - taamaattorli taamatut ingerlatsilernissarput anguniarlugi ilungersortaqaagut.



Mamakujit sukkullu atu- arfimmi inerteqqutaalerput, taarsiullugu atuartut taqartarput peqqinnartunillu kioskimi tuniaasoqartarpoq.



Taamaattorli ilungersor- luni sulineq akilerneqartar- poq atuartut piimassuseqarlutik ilikkagaqarusussuseqarlutillu ullaat tamaasa atuariatortut takusaleraanni...



Aamma timip atornis- saa aalatinnissaalu pingaa- rutilittut isigaavut...

tut ilinniangitsoortartut assut ajornartorsiutigigaluarpavut, tassami ilinniagassat nutaat angajoqqaat nalummatigik meeqqaminnillu ikiuisinnaasaratik. Taamaattumik sapaatip akunneranut ataasiarluta ilinniagassalerisarneq eqqupparput aamma suleqatitta ilalata angajoqqaanik pikkorissartitsissamissaq isumassarsiarua, taamaallillutik anaana ataatalu atuarfimi suliasanut nutaanut paasisaqamiassammata.

Fagit toqqagassat aamma ajornartorsiutigaaavut, tassa atortorissaarutiita pitsaannginnerujussuat pitsutigalugu. Taamaattumik ermiinnaartumik sapaatip akunnerini sisamani-tallimani faginik toqqagassanik ingerlatsivugut, ilikka-gassatut anguniakkaniittunik ingerlatsilluta. Taamaallilluni ilinniartitsisut ataasiakkaat piginnaasaqarfut naapertorlugit atuartitsinermik ingerlatsippot, atuartitsinerlu pitsaanerumik ingerlanneqarluni. Atuartut piffissami tassani sammerusutatik nammineerlutik toqqarpaat taamaallillutillu piomassuseqamerullutik atuartitsinermut malinnaasinnaallutik. Taamaaliormitsigut periarfissakikkaluarluta aningaasakikkaluarlutalu anguniakkat tamangajaasa angugatsigik nuannaarutigeqaarpot. Fagit toqqagassat ukiut siuliini aamma iliuseqarfigisatta ilagaat, tamannalu maanna killiffitsinnut pingaaruteqarpoq nuannaarutigisarpullu atuartut takugaangatsigik volleyball-ertut, basketball-ertut aamma orienteringsløbertut, allaammi eqimattakkaarlutik tamarmik arsassaqartut takusinnaasaratsigik. Taamaaliormitsigut fagit allat tunullittariaqarsimavavut, taakkunanilu nammineerluta atorlutukkaluarluta atorussanik suliaqartarpugut, tassami pisiniarmissatsinnut akissaqannginnatta - taamaattorli ukiut tamaasa taama pisoqartarpoq, tassa fagi ataaseq marfulluunniit immikkut suliniuteqarfigisaratsigik. Aamma timip

atornissaa aalatinnissaalu pingaarutillit isigaavut, tassami atuartut ilarpassui atuakkerineq pikkoriffinginnimmassuk taava timersornermikkut pisinnaasamik takutinnerisigut imminut tatiginerulissammata - peqatigisaanik misissuinerit ersersippaat atuartut atuagarsor-nikkut sannginnerusut timiminnik atuinerikkut aalatsinermikkullu atuagarsorluni atuartitsinermut peqataasinnaanerit pitsanngoriartarpoq. Taamaallilluni faginut toqqagassanut aningaasanik atuneq immaga fagit allat pilliutiginagit ingerlanneqarpoq, kisiannili atuartut allatut ilinniariaasillit atuartitsinermi ilaatilermissaannut tapertaa-simavoq.

Piffissami kingullermi atuartut sinnersuisoqatigiivi angajoqqaat arlallit peqatigalugit kiisalu ilinniartitsisumik ataqatigiissaarisulerlutik ukiup ingerlanerani sammineqartartut aqqissuuttalerpaat. Aningaasaqarnerput eqqarsaatigalugu allatut ajornartumik aningaasanik atuiffiusartut millisarniarlugit, soorlu qimussimik sukaniut-sitsisarneq, atuartut festernerit il.il. millisaavigaavut, tamakkulu kajumissuseq tunngavigalugu ingerlatarlutigik. Aqqissuinerit piareersarnerlutat misilittagaqarfigilereerlugit aqqissuinerit tamarmik ilinniartitsisumit ataqatigiissaarneqartalerput taannalu ilinniartitsisoqatiminut suliakkersuisarpoq - taamaallilluni sammisassat ingerfallu-arnulerput suliasallu kikkunnit isumagineqarnissaat nalornineqarani.

Tamakkua tamarmik tulluussimaarutigisatsinnik piffissamillu atuiffigerusutatsinnik atuarfeqaler-nerput kinguneraa. Iluatsitsisimasutut oqaatigineqarsinnaavugut, tassami ilinniartitsisumit arfiniliusunit tallimat iliniarsimasuuppot timelaererilu ataaseq nuannaaruti-gisatsinnik ukiorpassuit suleqatigisaraarpot. Ilinniartitsisut tamarmik sivikinnerpaamik ukiuni pingasuni maaneereerput, arlalillu

maanimiullutik. Aamma aappaa-gu ataaseq Nuummi Ilinniarfissu-armiit naammassereerluni utertusaavoq. Naak ilinniartitsisunik taamaattumik sulisoqaraluarluta, taagorneqartut nammineerluta angusinnaasimangilavut, tassami pingasoriarluta siunnersortinik avataaniit tikisitsisarpuqut maannalu killiffippot taamaalliluta angusinnaallutigu. Naak akissaqanngikkaluarluta, aningaasaateqarfut tapersiiumasullu ikiorsjulugit siunnersortinik tikisitsisarpuqut taakkulu maanga uteqqinnissaminut periarfissaqartarput.

Maanna kissaatigisatta ilagaat ilinniartitsisut ataasiakkaat alloriarfimmi ataatsimi sulisinnaanis-saat - aamma taamaalliluta alloriarfimni fagit akimorlugit atuartitsinermik ingerlatsisarsinnaaniassa-gatta. Manna tikillugu tamanna iluatsinngilaq, tassami ilinniartitsisut alloriarfimni arlalimni tiimeqarmata, tamannalu ajornartorsior-nartuuvoq. Fagit ilaanni ilinniartitsisut nikerartittariaqarpavut, tiimiisa imminnut ataqatigiinnissaat anguniarlugu piffissallu ilaani ilinniartitsisut nikerarnerat aporfis-urpoq. Taamaattorli ukiup ingerlanerani sammisanik allattuisusaatitaaneq atorlugu atuartitsineq naammaginartumik ingerlanneqarpoq, taamaallilutalu atuartut sammisassanik ukiuni tulleriinni uteqattaarinnginnissaat qulakkeerlu-gu.

Nunaqarfimni tamani ilungersuuti-gineqarput aningaasakillioerneq, atugassarititaasut amigaateqaqisut ilaatigullu iliniarsimasunik ilinniartitsisussaqarniarneq. Aamma maani taama ingerlasoqaraluarpoq, taamaattorli isumaqarpugut ukiut ikittunnguit ingerlaneranni angusaqagaluta - alloriarninnguit ataasiakkaat atorlugit, maannalu atuarfippot ingerfalluurtutut taaneqarsinnaalerpoq.